

Broj: 13/04-04-13-8/20

Datum: 23.12.2020. godine

Poziv poreznim obveznicima

Izmirite svoje obaveze i započnite 2021. godinu bez poreznih obaveza

Poštovani porezni obveznici,

Do kraja poslovne 2020. godine ostalo još samo sedam radnih pa vas pozivamo da uplatite sve svoje porezne obaveze i 2021. godinu započnete na vaše i naše zadovoljstvo bez poreznih dugova.

Porezni obveznici koji imaju porezni dug koji je nastao zaključno do 31.12.2016. godine, imaju mogućnost da uplatom ovog duga do 31.12.2020. godine ostvare pravo na otpis zateznih kamata, te 2021. godinu započnu bez starih poreznih obaveza i ostvarenom koristi od otpisa zateznih kamata.

Zahtjev za otpis zateznih kamata (Obrazac ZAOK), se može preuzeti na web stranici Porezne uprave Federacije BiH www.pufbih.ba, u dijelu obrasci – Zakon o visini stope zatezne kamate na javne prihode, ili na linku <http://www.pufbih.ba/v1/public/upload/obraci/baf1d-obrazac-zaok.pdf>, a isti se podnosi neposredno ili putem pošte nadležnoj organizacionoj jedinici Porezne uprave Federacije BiH kod koje se podnosioc zahtjeva vodi kao porezni obveznik.

Podnošenjem poreznih prijava i plaćanjem poreznih obaveza, u skladu sa zakonom, porezni obveznici neće biti izloženi riziku izricanja kazni, i to:

- za neplaćanje poreza na dobit do 100.000,00 KM,
- za nepodnošenje poreznih prijava do 100.000,00 KM,
- za neplaćanje doprinosa do 5.000,00 KM, kao ni riziku
- plaćanja kamate po stopi od 0,04% dnevno, odnosno na godišnjem nivou 14,6%.

Cilj Porezne uprave Federacije BiH nije sankcionisanje i kažnjavanje poreznih obveznika. Naš cilj je da svaki porezni obveznik ispunjava zakonom propisane obaveze, da ih dobrovoljno prijavi i plati, da prijavi svakog radnika i da za svaku uslugu izda račun.

Pozivamo i molimo porezne obveznike da svoje obaveze izvršavaju blagovremeno, odnosno da posluju u skladu s poreznim i drugim važećim propisima, jer je to najbolji i najsigurniji način poslovanja. Blagovremenim isplatom plaća i plaćanjem poreznih obaveza dobivate zadovoljnog i produktivnog radnika koji može da ostvari svoja prava iz penzijskog i invalidskog osiguranja, zdravstvenog osiguranja i osiguranja za slučaj nezaposlenosti, a zadovoljni radnik daje najbolje rezultate.

Porezna uprava Federacije BiH se zahvaljuje svim poreznim obveznicima koji su uredno izvršavali svoje porezne obaveze i poziva i ostale porezne obveznike da to blagovremeno čine.

Porezna uprava Federacije BiH